

者以千數或窺一斑或割半甲驟加試用靡不策效然先生實其書不屑以授人故學者浩浩鮮觀大全之秘近膺詔命入覲得旨還山予始獲登先生之門每燕暇從容與論道妙必極反復雖子際遇於先生為最後而受教於先生為最深間一日語予曰某老矣閱人多矣未有默識心通篤信力行能如子者此殆天授非人力也因悉出所受南公書以授之采拜受之日私竊自誓曰采雖晚出先生之門能淑先生之教今又獲先生之書敢不廣其傳俾千劫之下有目者咸獲爭先快覩不更復有望蓬萊隔弱水之歎敬錄諸堅梓嘉與四海有志之士共之因為之說曰是道也原之於其始固已先天地而有要之於其終又將後天地而存嗚呼其行與之俱傳於無窮矣至元癸巳純陽月純陰日建安後學陳采焚香拜手謹書

### 清微仙譜

#### 清微道宗

元始上帝至真大道无形无名虛无自然萬化之祖執得而言昔浩劫之先凝炁成象露至玄至妙之藍錫

玉宸道君後名妙玄經應化玉冊秘於清玄玉英之館道君即太易元炁之應運高拱上清教弘至道體至極至靈為玉式符而授於

清微真元妙化天帝名迹慈應運關圖教天佐極高居太漠洞妙自然恢張萬範與道長存秦時降祁國都洞妙保化宮清微妙化府一名元始萬化宮妙化府帝狀青衮服

九天妙道真運元君楊微元君乃元始一炁之化身青首被髮龍體乘流火出入三界號雷霆樞轄之神秦時降河中府都九天長原宮後教弘大道運玄妙經授  
九天洞明元君許齡卿元君秦時降劍州鳳日月眉鬢髮如二三十歲人衣綠衣常執

玉冊與道混融神變異則居九天洞清育玄宮以玄都玉梵發而為章授

玉瑩天山真人朱軒真人秦東京人美鬚面白虎眉因周室將微世適混亂入閬州拜許元君證道登真居金華山太清宮鳳凰

閣玄靈宮後以雷元振光之章授  
太玄青惠招化扶桑真君卜真真君頂綠王之冠面色瑩白如玉隨州人也因秦亂避

患入閬州拜朱真人潛虛道妙位證太玄真人居角亢二星之中昭靈府以大道无量元光玉符授

昭凝神耀保天道化元君廣洛元君降秦時鄭州人於歲亂離入西京城得玉符之妙會道凝玄漢高皇帝後於河南府昇真居海上神州神耀府以玉英寶章授

明清道華元君丘沐元君漢初壽州人得寶章之旨總萬炁而會天昌居太上左宮都曠平府後以道樞授

秦明清惠真人師復真人漢代人也乃東華大帝化身神執持連體天運道都龍丘山

通明洞

清微洞光寶術紫華元和明道太一神景元君王宏正銘元君滿月相一字眉鳳目披髮仗劍朱履太一月字化身統理玄樞都玄都太冲樓右紫輝宮後以清微隱訣元始萬神香流於人間

通妙元化太一冲和元君謝晉剛元君太極疑真元始別體隱化神變未究始終常幻質為微眇人莫能識默運樞軸策役萬靈不假符圖紙朱有形之物隨寓成形發揮道妙有內訣口口相傳於世都陽谷壇左瓊瑤玉臺冲和府

清微茂晨保運金明元君彭涵原元君雙髻面色如玉月眉鳳目笑容素衣絳裙仗劍乘火龍居井鬼二星之間舟昭府領舟昭風火雷霆三萬眾自為帥以清微妙要流傳人世

西華通惠元君龐俏道元君掌元始禁書瓊章鳳紀保制劫運安鎮乾坤雲冠青服顯漢神爵年間後竊庚除治在漢州縣竹

縣去邑二十五里有二處居西華廣真官出三道三經統御三界後化身為

太和伊玄元君宋益誠領三天演教之任居茂儀府

靈妙和澄元君需東元君東漢彭州人仙安

端肅會道自然應世為師名號不一掌清

微之妙道居瓊和府

高明大使至道玄應神功妙濟真君許進事

迹見本傳真君得先天之妙扶世濟民不可紀述故戒文有云金書玉篆傳于世不

可輕泄不可秘後示淨明法於後代蓋內

訣幽遠其可擬諸形容居玉都清慶宮領

天機省主持清微之妙

南陵浮光天官朗明天官南陵尊帝掌握雷

炬唐降西京出書度人帝狀褒服居南極

浮光宮

護明元妃玄光聖母王說字法一名玄光聖

母護明玉隆丹剛清華元妃紫光元君清

華元妙宮元君素華金母之玄精天一玄

斗之靈神統攝河源制御水闕四溟大神

悉練主領出書降于唐時主張教法領清微之奧居東海景清宮後化身為

清微元機元靈元君龍鬚雙髮玉女相面微

赤紫衣綠裙仗劍乘白龍居洞元府有清

微演運流轉又化身為

清微靈和元君管靜卿鳳冠玉相自然眉鳳

目紫服碧裙大帶朱履執圭以清微秘旨

出書度人都清微天中靈光宮闕下居瑋

元府又化身為

靈光聖母米燒龍冠綠服唐昭宗時在桂陽

軍江渚石上以清微先天之奧授

金闕昭凝祖元君

上清啓圖

上清高聖玉宸大道君陰陽混合迴風疑帝

一之尊紫白交馳運道會希夷之表出書

應劫開教度人授于

紫宸太華大帝體道疑玄開明萬有帝狀

絳服都太微華明宮以道授于

金闕帝宸太平後聖玄元上道君道君運玄

濟物三界尊崇帝相袞服都金闕紫虛宮

11 03 1 A 3 12-5

依俯仰之格授之

太華西真萬炁祖母元君元君一炁多真群  
仙教主生生化化莫不由之口口相傳不  
記文字都白玉龜臺西金太素宮以道授  
之

金闕上相方諸東華司命木公青童道君道  
君符九陽而育物總萬化以朝元帝相青  
服都方諸宮

金闕上傳白山宮玉仙清淵太素元君李  
元君咸陽人神通變化仙傳具述位三天

為上傳領中嶽事承上清之宗旨后服有  
元始一炁玉策及文素經流傳玉仙山在  
中嶽東北九十里

金闕上宰西城總真真人王遠字方平見仙  
傳綠服真人相三牙鬚鳳目居金闕成昌

宮闕下左府也

小有天王清虛真人王哀字子登一名太素  
抱一真人事見仙傳眉微黑鳳目赤色紫  
服真人相居小有博燿宮闕下中府也  
諸真以道樞授之

金闕上保高元紫虛元君魏華存字賢安元  
君事見本傳樞符應運主治雷霆玉字金

書網維道法上清冠絳服居高元紫虛宮  
左府治高元宸照宮即上保太丹宮南極  
元君後化身為

清微樞樞元皇元君李謙出書應世

照靈光惠冲應元君宇文汲內諱清淵元君

主梵清景機織治天地人靈篇有玉策以

詔後來居海上離農山冲華府

東華上佐司命真人楊義和真人事見茅山

仙傳大洞譜系居紫章丹會宮

東華上相上清仙翁許翺小字玉斧仙翁事

見茅山仙傳及大洞譜系真人相綠服居

紫陽晨霞宮右府闕下

上清元君西華聖母一名靈寶淨明黃素天

尊乃黃堂靖謚母也母名嬰事見仙傳得

上清高仙上明玉書三章潛修至道感斗

中孝道明玉付之隱文華冠紫服居西華

諒光宮掌元始圖書之府以道授之

九州都仙太史高明大使許遜授之

大清奉玄元君文耀元君唐人得上清神變

之道飛遊乾坤至西京神化漢以其道妙

授之

祖元君相如美女寓形不一居景輝泰和宮

靈寶宗旨

玉晨道君靈寶天尊三炁會真元炁化生萬

有天尊垂慈利物普度無窮故靈寶為萬

神之宗玉簡瓊文廣受開化教弘至道詔

于

太玄玄一真人玉清妙道青陽天君鬱羅翹

青服治玄都應明府龍梵宮居青陽玄上

宮

太玄玄二真人上清妙化丹陽天君光妙音

紫服治玄都宗蒼府溥昭宮居丹陽玄中

宮

太玄玄三真人太清妙感紫陽天君真定光

白服治玄都正昌府廣清宮居紫陽玄成

宮

右三真人並天尊相位高木極號應三

清道君授之應化真符主執黃籙院靈

寶大法司靈寶三十六君二十四符悉  
隸焉

太極真人徐來勳事見仙傳真人得太極函  
三之妙契中盟五法之規居太極皇耀官  
闕下後授之

太極內相上清冲應手佑真君左官仙公葛  
玄字孝先事見仙傳東其時人得徐君之  
妙道遍歷名山感太極三真人下授三洞  
寶經惟務濟度名列帝庭居太極靈曹官  
出為仙  
起居註治太極省授

太極慶融北靈內輔真人鄭思遠真人得師  
靈寶之宗位隆上品餘記仙傳居太極元  
冲府闕下後授之

抱朴小仙翁葛洪仙翁得太極之心傳遍禮  
福庭超登金闕有文籍傳于世後授

太清泰玄元君文幄而  
祖元君繼之

道德正宗

金闕玄元老君道德天尊玄元應化中古出  
書上自三皇下迄炎漢隨時紀號代為帝

師無為自然慈愴復性過關之日授

文始先生開今真人尹喜真人周康王之太  
夫仰觀俯察紫炁西邁至昭王時出為關  
令戒吏侯問知而迎之得道德之旨昇入  
無形

太玄真人趙隆大目真人相絳服

天山真人洪寶美鬚真人相絳服

玄上真人魯惠白相青服

自周迄唐已逾千年三真人師資接踵得  
久視之理隱顯應號道不遠人故

太清泰玄元君文幄承流于後

祖元君出而繼繩焉

正一淵源

太上玄元老君正一之旨出書時號之異名

一道貫之矣有分別當漢之末人心澆薄

莫此為最太上憐憫群生初非得已人能  
知不顧不二之理又何待

天尊之設教也至於遷善遠罪之誨授經  
傳錄之式不過誨人為善授以至人一新

厥德

三天聖師泰玄上相正一真君張道陵事見

仙傳漢子房之後沛人生而神靈博究文  
學感太上親授以盟威之道漢帝徵之不  
起永壽二年白日上昇治泰玄省領元輝  
府居玉素元都宮

嗣師太清真人侍中張衡乃真君長子事見

仙傳

系師太清真人閩中侯張魯乃真君次子事

見仙傳

女師君長文姬陵王妃次文光三賢燕王妃

四芝四師俱飛昇隱化後代出有入無以

道授之

太清泰玄元君文幄而

祖元君得以襲慶焉

會道

清微待元上宸玄都總真九炁元靈夫人太

皇景明洞陽金闕昭凝妙道係仙元君祖

舒一名遂道字昉仲月字化身降唐昭宗

時廣西零陵郡人而東來黑色大目身長七

尺幼存節操生而神靈父母莫能禁遂入



道適歷名山至桂陽軍江渚石上遇護明元妃化身靈光聖母授以清微自然先天之奧或竹釵袒臂仗劍坐石嘯命風霆飛行人世繼至西京近地山中清虛洞神化溪感太清泰玄文元君化形美女濯于溪

濱師執巾侍之奉迎至岸凡數夕變現男女猛獸異相歷試諸難殊無怠意知其誠確乃召使乘木筏泝流次復故所悉以上清靈寶道德正一之旨付之隱而不見師總五派之奧統轄雷霆變相不一或乘龍仗劍策役萬靈或金冠素服尊居洞府性烈令肅雖雷神亦加嚴勵令治清微洞照府主持教法嗣教之士宜竭忠誠稍或有違嗔責立至又號通化一輝元君後化身為

清微察令昭化元君休端大髻面白相柳眉杏目青衣金甲執斧乘黑龍居陽華府有清微演道流傳瓊室內應洞清元君郭玉隆又號上景元君祖元君門弟子也京師人仙安嚴肅紹襲

師源位清微太霞侍宸居紫虛府紫光曜真福和元君傅史堉字子方郭元君門弟也鄴州人秉純一之節義繼前代之樞機位至三天上輔居西海太華山昌耀府

龍光道明元君姚莊字淑奇又號廣昌元君傳元君門弟也西京人統御雷霆克符道要位三天侍經居隆慧府又曰廣賴冲和府

梓源紫英玉惠元君高爽一號紫清妙化玉英靈惠元君姚元君門弟也生於燕地胃山碧潤之間神光滿室長襲師源位三天侍御又號高運紫英元君居洞耀景豐府次授

西華清虛真人華英真人鳳翔人也圓目美鬚掛冠學道登品三天位清微明元左卿洞陽上宰後授青城通惠真人朱洞元真人成都人也圓目美鬚隱居青城敷宣雷奧位清微洞衛上卿神霄玉樞使次授

雲山保一真人李少微房州保峯一水人也所居故址猶存人稱為李雷公宅真人先以宦族世家房陵棄俗悟真感師授道位清微都元右卿後見天吏下降傳宣玉勅令任五雷院使後昇飛遊三界隱顯莫測

眉山混隱真人南畢道真人本覆姓東南名珪丙辰十一月初三日寅時生於眉山幼擢儒科登仕版嘗倅湖右夜夢神人語以師至達旦郊迎果肖夢中之相詢其姓名即保一真人也迎歸待以師禮數以難事試之堅心如金石遂悉付以隱奧傳授既畢欵化金光而去後領廣漕臨午見宋衣天吏自天下降云奉

上帝命予可授手中六通掌水使者仍清微保和仙卿後佐宋理宗數諫不從歸隱不知所存人以為仙去碧水雷困真人黃舜申先生閩中世家名應炎丹山人也即今建寧府甲申閏八月初五日未時生以祖父陰生而奇異貌古清絕性質穎悟經史百家靡不通貫年十六

侍父為廣濟幕師病南真人以符療之雷震于庭其疾頓痊觀其骨相合仙悉以所傳付之寶祐中出為檢閱宋皇兄趙孟端節使皆師事之理皇召見御書雷因真人四字以賜之至元丙戌詔赴闕庭奏對明教上禮敬之未幾乞請歸山得旨允仍賜輕車以還先生門弟幾百餘人今清微道法大行於世然得其樞奧闡揚靈驗亦多其人抑師常序當寔綱目云五陵之驗至人出矣將必有披茅連茹者在豈其然乎

清微仙譜

十四

三茅真君加封事典序

致二

道有原有統原先天地而莫窮其始統後天地而莫窮其終世乃謂吾道有絕續吁有是哉日用常行飢食渴飲之天何莫非道一脉之傳至今綿綿延延一日初未嘗泯惟患世無傳道之人耳故曰人能弘道非道弘人也

茅君之仙蹤顯迹著於先秦古史續傳已書其詳其仙班之尊崇固非世人之所能測料至如功濟九垓恩流萬世社稷攸資宗祧有托昔在思陵以至回陵嘗增三君之休稱美號時則有劉靜一沂其源而推其流矣迨

理宗朝我虛白高士司徒道錄以為國為民禱祈響應特伴以左街洞微之命先生曰嘻是皆

三君之靈也何敢私有其所有願以是寵光歸之三君以崇報本之義

理宗允之芝泥炳煥照耀林泉維時大淳實執弟子列目學斯事司徒君屢期以加

封事典載之金石未及為而君已仙去大淳承乏下館文思繼志究未遠也丁卯春內傳續傳幸甫就緒同班諸友復以事典未刊為疑謂事典不刊則不惟不足以彰三君之靈異

聖朝之尊崇且不足以見我空山之能弘斯道之脉而闡斯道之傳也余於是乎奉承惟謹謹書此以識歲月丁卯三月望日特賜冲靖明真微妙大師特差充茅山山門道正權知御前崇禧觀兼管領本山諸官觀事賜紫張大淳謹書

致二

三